



## **Maria Barla Hendry-Monn**

Maria Barla Hendry ei naschida ils 22 da fevrer 1918 a Sedrun sco feglia da Vigeli Monn e Maria Barla naschida Berther. Ensemen cun 7 fargliuns ha ella passentau ina ventireivla affonza.

Ils 29 da settember 1938 eis ella sospusada cun Toni Hendry. Dieus ha regalau alla giuvna letg 5 affons. La mort da dus fegls ha schau anavos profundas plagas.

Culla vegliadetgna ha ella preferiu da passentar siu temps en retratgadad ed ora-ziun. Il quitau ed il procurar per las cumissiuns entras il bien vischin Ignazi Schmid ha purtau gronda levgera e pigl auter selegrava la cara defuncta da sentupadas amica-blas cun entgins enconuschents.

Ella saveva selegrar da pintgas caussas dalla veta, haveva plascher dalla natira e carezava sur tut siu iert cultivau. Il percasa ha ella dumignau cun bravura tochen il davos. Era sch'ella steva pli bugen da siu persei en sias quater preits, selegrava ella ordvart cu ses affons e beadis fagevan viseta ni vacanzas tier la tatta. Aschia ha ella giu bia plaschers sentend vera pasch. Mava ei magari empau mender, era ella perschuwadida che Dieus accumpogni ella.

La Barla haveva ina profunda cardientscha e fidonza en Diu. Mo entras quella vera cardientscha ha ella retschiert la forza da purtar e dumignar ils grevs destins. Aschia ha ella passentau bia uras cun urar e cantar laud, retschevend cheutras forza e cura-scha da cuntinuar.

Ussa ei sia glischetta sestezza ed ella ha anflau siu desiderau ruaus perpeten enzu-gliada en ina cozza da flurs preziousas, da sias flurs carezadas.

Tia carezia viva vinavon en nos cors.

Tia beadia Seraina